

Band XI., Nr. 5087, Seite 105-106

*Ulrich von Königsegg verkauft an Kloster Weingarten seinen Besitz in
Haggenmoos.*

Ohne Ortsangabe, 1298. Januar 2.

Wan menslich gehugede kranch ist unde die lüte schiere vergessent swas si under ainander werbent, so lerent uns die wisen maister, das wir verschriben allez daz wir under ainander mit werken vurbringent. Da von so tûn ich Ûlrich von Küngezegge ze wissende allen den die disen brief sehent lesent oder hõrent lesen, das ich den erbæren herren dem apt unde der samenunge dez gotzhuzes ze Wingarten han gegeben ze köfende nach rechtem köfe umbe aine unde sehzech marke lõtigez silberz min rehtez aigen ze Habchmõze an ækern an wisen an wasser an holze an wasen unde an zwie mit allem dem daz dar zû hõret gebwens unde vegebuwens, wie ez si genant, mit allem dem rehte also ez mine võrdern unde min vatter herre Ûlrich aigenlich an mich hat braht. Ich vergihe õch an disem brieve, daz ich daz võr genante silber han bewent in minen nuz. Ich verzihe mich vur mich unde alle mine erben allez dez rehtez swie ez si genant, daz ich oder mine erben mæhten gehan an dem võr genantem gûte ze Habchmõze, unde binde mich unde õch mine erben, daz wir dez selben gûtez sulen werer sin nach reht an allen stetten, sva daz gõtzhuz ze Wingarten angesprochen wirt, ez sie an weltlichem oder gaistlichem gerihte. Dar uber gibe in disen brief ze urkûnde gezaichent mit minem waren insigel. Dize geschach, dô man zalte von gõtze gebûrte zwelf hundert jar unde æhte unde nûnzek jar, an dem næhsten dunrstage võr dem zwelften tage.

—

Der Textabdruck folgt dem Original.
 An weißleinener Litze stark abgeriebenes Siegel, s. WUB, Bd. VIII, S. 203.

Überlieferung und Publikationen

Lagerort:

HStA Stuttgart

Signatur/Titel des Originals:

B 515 U 842

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Ulrich; von Königsegg

Ortsindex:

Haggenmoos Wohnplatz (19394)
 Haggenmoos, Boms, RV

Königsegg Wohnplatz (19468)
 Königsegg, Guggenhausen, RV

Weingarten Wohnplatz (20565)
 Weingarten, RV